



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

LXVIII. Kaiser Karl IV. incorporirt das den Brüdern Crysto, Reinhold und Bertram von Greifenberg abgekaufte Dorf Labuzick den Klostergütern, am 15. Mai 1374.

Nutzungsbedingungen

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

LXVIII. Kaiser Karl IV. incorporirt das den Brüdern Gryffo, Reinbold und Bertram von Greifenberg abgekaupte Dorf Labuzick den Kloftergütern, am 15. Mai 1374.

Karolus quartus, divina favente clemencia Romanorum Imperator semper Augustus et Boemie Rex, Notum facimus tenore prefencium vniverfis, quod meditatione debita perpendentes, quanta devote nobis dilecte . . . Abbatissa, Totusque Conventus monialium monasterii Boyceniburgensis, Ordinis Cisterciensis, Caminensis dioecesis, egestatis inopia sint gravati propter gwerrarum dissidia Marchie Brandenburgensis, que longis temporibus multarum commocionum fluctuavit pressuris, pro nostro necnon progenitorum nostrorum remedio salutari, non improvide neque per errorem, sed animo deliberato, Principum, Comitum et Nobilium Marchie Brandenburgensis consilio nichilominus accedente, de nostra certa sciencia pro nobis, Illustri Wenczeslao, Rege Boemie, Marchione Brandenburgensi et duce Slezie, necnon aliis filiis heredibus et successoribus nostris Marchionibus Brandenburgensibus et eorum nominibus, totam villam labuzicken vulgariter nuncupatum, consistentem prope Templyn, quam predicti abbatissa et Conventus iusto empencionis tytulo suis emerunt pecuniis a Gryfkone, Reynboldo et Bertramo, fratribus de Gryfenberg, cum ipsis ville agris cultis et incultis, viis et inviis, Campis, Silvis, Nemoribus, Pratis, pascuis, piscinis, piscacionibus, aquis, aquarumve decursibus, Rusticis, Villanis, Incolis, Agricultoribus et Inhabitoribus, Juribus, Jurisdiccionibus et Judiciis, necnon fructibus, Redditibus, proventibus, obvencionibus, emolimentis, pensonibus annuis, Serviciis curruum, decimis, decimacionibus, Solucionibus, honoribus, honoranciis, Censibus pullorum fumi, necnon Jure patronatus Ecclesie consistentis ibidem, ac aliis suis pertinenciis univversis, quibuscunque nominibus et vocabulis valeant designari, Prout eadem villa cum suis huiusmodi pertinenciis in suis terminis, Gadibus, limitibus et circumferenciis a bonis vicinis antiquitus limitata dinoscitur et distincta et signanter, eo modo, forma et iure, quibus prefati fratres Gryfko, Reynboldus et Bertramus possiderunt eandem pacifice actenus et quiete, — pro usu abbatisse ac . . . Conventus predictorum dicto monasterio incorporavimus, applicavimus, adiunximus, uniuimus, incorporamus, applicamus, adiungimus tenore prefencium in perpetuum et vnimus, volentes, eandem villam Labuzicken cum dictis suis pertinenciis ammodo censei ecclesiasticam, omnique debere gaudere, prout cetera bona dicti monasterii gaudent ecclesiastica libertate, Renunciantes nichilominus pro nobis, heredibus et successoribus nostris Brandenburgensibus Marchionibus supradictis univversis et singulis iuribus, Jurisdiccionibus, impeticionibus et arrestacionibus, que nobis seu nostris eisdem heredibus et successoribus Marchionibus Brandenb. imperpetuum competere quomodolibet futuris unquam temporibus pretextu huiusmodi viderentur. Mandamus ideo Principibus, Comitibus, Nobilibus, Militibus, Clientibus et hominibus dicte Marchie, cuiuscunque condicionis, Gradus seu dignitatis extiterint, univversis nostris fidelibus, sub obtentu nostre gracie firmiter inhiibentes, Ne abbatissam et Conventum predictos ac eorum monasterium super villa huiusmodi, necnon ipsius pertinenciis memoratis impedire presumant, seu aliquomodolibet molestare. Si quis vero secus fecerit, nostram indignacionem gravissimam se noverit incurfurum. Prefencium sub Imperialis nostre Maiestatis Sigillo testimonio litterarum, Datum Prymfla, Anno domini Millesimo Trecentesimo Septuagesimo quarto, Indiccione duodecima, Idus maij, Regnorum nostrorum anno vicefimo octavo, Imperii vero vicefimo.

De mandato domini Imperatoris Nicolaus Cameracensis prepositus.